

思伯子堂詩集

思伯子堂詩集卷五

建甯張際亮亨甫

閱錢虞山詩作

壬午

拂水當年有盛名，風流文采亦縱橫。
春官位本先朝貴，詞伯詩從兩代成。
不見髡鉗餘故老，可憐歌舞散陪京。
彥回末路空蕭瑟，白髮紅顏劫後情。

讀陳華亭詩題後

力追風雅闢荒榛，大節昭如日月新。
萬古漆身悲豫讓，九淵散髮逐靈均。
甌吳南去天連海，漢郢西行地入秦。
戎馬一朝諸將盡，淋漓哀怨起騷人。

書吳梅村詩後

遺老才情首駿公飛騰健筆欲摩空興亡過眼聲華薄
出處傷心著述工名士宦官東漢紀美人狎客六朝風
陸沈莫弔王夷甫十廟園陵夕照中

楊白花

金城大道旁一樹婀娜如人長露條踈地花糝香驕嘶
白馬爲彷徨東風一夜吹花去燕子銜花也無處將儂
持許作萍蹤可憐水流各西東

口號送嚴山之光澤

二月將交尙沍寒離情遙憶出門難溪山一路多冰雪

何處梅花照馬鞍

六年抱膝梵王宮上日開樽醉每同從此絳桃花一樹

爲誰開落向春風

城西迎釐觀有絳桃一株見館於此花時輒置酒蒸賞

寄懷益謙

碧漢澹微月涼風生夕初遙知贊公室靜對古人書松
雪一山滿澗泉終夜虛幽居正清絕相念復何如

新柳

細雨春原嘯畫眉東風吹綠柳垂絲澹煙野水孤村路
寂寞楊枝十五時

松谷日暮慨然作歌

碧山返照明蛾眉青天倒映紅玻璃萬松蕭森作雨勢
小閣坐對行雲遲東風相識復幾日梨花扇盡西南枝
煙蕪渺渺暗新綠如有美人相送歸洞天春色滿懷抱
瓊華自落無人知君不見鄧侯年少時一出身爲帝者
師黃河化爲一杯酒且看皎月當金卮

日夕

東風靄然暮禽噉亦已飛日夕微雨歇華月生前池坐
對百年松銜觴偃荆扉

月夜聞笛

絳河盪月淪金壺山氣浩與白練俱露華墮地不聞響

鬼燈著樹低花附湘靈夜語泣斑竹古壑風死龍子蘇
千年石壁慘下裂人閒幽怨來虛無嬌楊啼綠帶煙雨
玉梅妝委紅氍毹坐催弄妻悔偷藥鈎簾卻掩天糝糊
星官耿耿久不寐同我酒闌悲李暮

太弋山詩次昌黎南山詩韻

七閩際滄海厥爲山水囿怪駭甲天下蔓延不可究伯
翳所不到圖經空禹授後儒作地志往往多遺漏美哉
我郡山太弋實罕覩萬年委荒僻此地豈大湊遂使閩
弗彰閩若古敦繡因循一振筆力慙紙背透粗述見聞
佳未足紀盛茂縱橫三百里出沒數千岫遠望互重霄

浮嵐藹遷就岑高雞露冠

上有岑雞岑

巖開亂引囑

亂嶽有石迴

峯積古色絕壑隱幽秀日斜照空明澄黃比醕耐朝雲

出其巔蕪蔚徧洒覆化工肆瑰譎堂皇幻靈構峻參太

行險醜得蛾眉瘦九華摩乾根兩孤突坤宙峭拔森開

張崢嶸脫鏡鏤巖巖危以舒綿綿曠且表合沓難爲名

晦明自成候其上複嶮巒環邏屬車造四部分丙丁二

校列己戊包絡結地維青蒼吐天竇咳唾承帝庭鮮露

日宣漱河漢勢低昂煙霞氣雜糅雪霜有夏秋氤氳無

旦晝汪汪七泉眼清湛錦可漚洞深盤蛟虬浴飲絕猿

狖下潛浩無底鳥立睇恐仆數成雁湖奇功殊虎跑陋

旱魃殺稼穡后土媪不富沈祀需甘霖神龍此奔走淵

然四海德宏矣萬民宥

山最高處曰城嘴有泉眼七深不可測凡不齋戒而窺之冰雹

立至每大旱四方求雨者投以雞犬首而壺汲泉沿途注之則數百里霖雨隨沛世謂之龍井其中埽

五都百昌畢投售輪困萃羣材護儲神明祐動植庇藏

養魍魅辟困詎丹沙散厂啤金碧委缺贅種樹蜚人繁

穴處木客愁菘韭六月新茵筍十年舊瘴氛蒸淒瀟卷

路錯又又礪礪觸巨鱗礪碣遊老聾孔翠煨文侶獺鷗

聚連寇嶺窮村忽通田敗澗相救鹿籬藤布花雞棲燕

翼蔽蒼蒼礪谷中樵歌亦時奏礪礪不能窮陰陽資變

質其外枕四邑賽禱每邂逅歸甯負尻髀建泰通頷脰

鬱盤臨汀迴鴻濛豫章脊

山本南幹之支從汀州來襟帶歸化甯化建甯泰甯四邑

界可以眺江西南豐新城界

黛寒識雨生凍解成川溜密晴霍自陰

嶂失霧來復邱陵帶高下嶧岡羅左右岵林擁戈鋌租

鑿貫甲冑芬菲蔭春麓苔藥奔蘭臭壘磴陟艱阻屢如

椎中副攀援逐巧狙健捷羨飛颺俯視蔚藍低仰捫翠

微皺我挾濟勝具賈勇曾進鬪長嘯卽冢頂若雉升鼎

雉神理會超舉與象爭赴湊仁體景靜致霸略獻馳驟

藩鎮南紀安屏蔽百蠻佑山非夸氏負石免秦火灸登

封思壇圻鏽壁少篆籀父老述越王絕罇馳道逗嘗獵

此山阿黔首廢耕耨寶物遺金鏡千金費虛購其詳不

得聞豈氓本誼譎相沿詫誕慢稍稍傳長幼

相傳越下無諸獵此

山遺失金鏡故一名金鏡山云

聽僕畢致辭勝概頗不謬野燒始烜爇

綴似釘坐飽一點倏閃尸漸大如焚柩須臾榮鬻鬻東

西陳俎豆翔噪撲亂鳥挺急竄伏獸烈焰騰深宵

噴黑鷲山鬼警哀啼眾燐相先後嚴冬朔颼乾煉劑經

月留祝融麗炎荒巨靈申重媾絳燈導霓旌聯簇紅

袖或疑地祇出團烈舉巡狩田單縱炬午夜壘乘燕首

忝人然扶桑煮石燔脯餽赤龍龍擎攫陽候曷敢收十

日迸空行誰張羿后殼燹赫怖狼烽熾燁烈薪標隆隆

殷雷鳴賁豫觀象絲瀑布尤蜿蜒柔剛遇占媿

徐鉉云屈爲

思伯子堂詩集

卷五

五

水至柔能攻堅
故一其內也
破峽合更離
注潭違乍邁
熾確翰月精

颯潏盪星宿翻飛天際來
萬騎仰駕廢滲沆百崖端
蟻頤沃文琇蚌潮蹴珠胎
蜃市堆銀雷霆繞攬灩澦
螭懾汗狂想見混茫開
元冥德斯懋聲光戰風浪
筋脈湧瀾騰共虛漿
人掌飲宜膳夫伯互類
君子懷澄滑而不疾
夙愛大機師坐忘
鄙喝僧大機明季證悟於石亂巖
天台夢已勞
匡廬居便僦手持白芙蓉
神灑澹澡嗅茲山久蘊真

一酌爲醕酌

畢節高氏篇

高氏名小翠藕亭先生新納姬也

明珠出合浦
委棄蒙沙泥
寶劔入延津
豐城無返期
妾

本貴州人家住大定府畢節縣城中是妾家鄉土祖父
有聲名身爲魯諸生仲父是上舍伯父爲舉人小叔亦
秀才學中有聲名妾母 氏女外祖作縣官妾生四五
歲隨宦錢塘閒外祖每退衙抱妾如抱花手捋外祖鬚
本思孃與爺十二妾母死妾復歸鄉里阿爺得後妻嬌
與本愛喜縣城外五里赫赫稱 家兄弟皆 生子
好丈夫十三媒人來來言 子阿爺告後母母謂速
許是祖父聞之怒怒爺不告己 家雖 乃是
人寄居在城外作官在京城將女嫁遠方不如汝弗生
後母告阿爺嫁女自由爾 家真富貴勢力不可比嫁

女得 家有何不及爾吉日聘禮至跳脫雙黃金綵緞
十八匹黃金爲兩簪金簪安髻頭賤妾難自由綵緞未
著身已作飄零人 阿翁死葬費百萬錢猖狂構禍
患賣屋兼及田乃有 氏子先自 來稱曰 九叔

狡猾豪奴才

請九叔一年相墳宅當此賣屋時索

金歸故國

迫無計乃與九叔言昨歲聘一婦居在

縣城門我計迎之歸隨汝歸故園貨爲富人婢亦得數
百緡婦家有我在我自與計論使人告阿爺 將入

京師君在京城新婦可隨行阿爺告後母後母謂可從
汝女今十四不知修禮容渠翁官京城十年未易逢渠

婿卽年長難得回里中養女大不嫁怨翁不怨翁不如
遣之去遠信亦得通數日車馬來具言迎新婦祖父

躑躅強笑牽妾手小婢曰水雲八齡頗媚嫵大婢曰春
蘭通曉年十五二婢伴兒去安心住 府伯叔復來言

兒今歸 府善事翁與姑家門母辱侮舅氏亦來言我

聞外祖道京師實苦寒曉起兒莫早後母屢傳呼車馬
相待久喚妾換衣裳催客盡茶酒一日至 家兩婢侍

左右三日更會親備請伯叔母八日 言我本欲之

京一歲服未除茲遣汝先行有我親九叔與我爲弟兄
彼自善視汝與汝同北行九日兄來送十日早起程九

叔車在前官銜搖車旌兩婢車在後輓輓追蹄聲妾與
阿兄車兩兩中閒行遙遙出畢節漸至貴州城阿兄憐
憫妾宛轉同哀啼數夜不得寐萬里悲生離得到貴州
城已越十日期卸車買輕舟阿兄乃泣辭一言妹自愛
再言不得隨語聲哽未卒馬聲風中嘶轉言告阿兄與
兄有見時兄今年十八能文誰不知安心事後母母爲
祖父悲更告伯叔母不得常親依大抵六七年女兒必
歸來有人至京城寄妹書莫遲妹若有書到憑寄外祖
知語聲哽未卒馬聲風中嘶水陸非一途兩月過江西
漸聞入福建已到

街將言問九叔九叔無一言遂

至 縣來入九叔門可憐女子弱寸步不能奔本去
至京城何意在此閒九叔坐堂上高聲喚水雲汝今日
玉英汝主曰錦春但稱劉姑娘其他不得云數日春蘭
去不知歸何人數日喚玉英汝從劉姑行入城 氏宅
不得復出城三日 氏媼教妾爲尊稱髻者爲若王某
某身所生若宜稱小主妾聞泣且驚妾本儒家子何得
供婢使妾初來媼宅九叔云遊耳 媼變色言有何
九叔彼乃 氏子慣將人販鬻汝作我家婢何得是主
客可憐女子弱寸步不能奔本云婚京城何意賣此閒
投纒被解放飲淚爲朝餐夜夜有歸夢不知河與關天

高願下聽鑒妾摧心肝

報我家不知爲何言定言

我身死不復在京城哀哀日復日九年裂肝腸一朝託
君子陳怨訴其詳君子本通儒定當閱此情君子賢子
少早列賢書名行當作官去必到北京城倘逢畢節人
爲妾說平生

光澤西門外有先朝某令及其妻女遺塚一區塚
上一石中隱如月形常隨月圓缺邑人以爲異也
予感而賦之

一片荒墳石年年肖月奇圓痕留寶鏡殘影黯蛾眉故

國滄桑久先民井邑移

縣治舊在城東里許後如城於今治

青燐風雨夜

愁絕鶴歸時

繡草廬坐月

雨農舍人別業也

高梧抗亭館早夏似涼秋竟夕天邊月照人池上樓山雲藹初出湖水激仍流清切烏君在思從徐仲遊

題烏君山石壁

五月七日寅齋雨農嚴山同遊往還凡四日

蒼蒼萬石蕭蕭百泉山風夜至明月在天

宿飛泉巖

在烏君山中原名會仙

石壁一千仞飛泉冒作煙樓開瀑布內星在客衣邊孤月行雲海高風動夜天萬峯俯看盡嵐靄合蒼然

將之福州與寅齋先生話別

明月照滄海清輝千里同我乘布帆去天末好涼風鸞
鶴故山遠煙波獨夜中還思風雨夕樽酒意無窮

繡草廬雨夜

時予將之福州

涼雨山城夕孤燈與客親還思故園夜又是遠行人骨
肉相違久風波獨往頻他時更相憶倍損倦遊神

時與

雨農厚庵金門諸友相處匝月

留別雨農舍人

六年四泊晉安舟此去依然訪舊遊豈謂風塵遲宦達
卻憐歲月屢淹留烏君夕照連雲暗螺女江聲入海流
別易會難惆悵在後時兩地各登樓

自水口放舟至竹崎所

已出千灘險仍憐一水長
青垂檝攬盛紅想荔支香雲
日交輝映江天遠混茫困關看漸近
放眼快鳴榔

夜渡紅山橋

夜半江潮落舟人鼓柁輕
大星垂積水遠靄合孤城題
柱才原乏歸田賦未成堪嗟衛叔寶
多病獨宵征

偶記福州風土一首

閩俗真殊異遺風自漢唐
手香籠茉莉齒黑嗜檳榔阿
囷誰能賦訶黎不可詳
家家愛魚菜別是海人鄉

聽彈琵琶

海上孤城暗落暉
關河蕭瑟雁高飛
秋風千里思歸客
一聽檀槽淚滿衣

綠璃屏角隱秋燈
簾捲高樓見玉繩
聽盡忽雷聲慘澹
人間流落鄭中丞

我亦天涯送客還
荻花對酒悵斑斑
四條絃子空江上
容易秋風損玉顏

心結箏絲大可憐
樽前切切感纏綿
頓家長板橋南院
明月清秋已百年

聽友人家伎彈琴感賦

金猊沈水散輕煙
簾幕新涼好拂絃
莫奏悲風兼送遠

天涯秋色兩人前

吹到涼颼響落霞紅闌干外有飛花
康郎何苦鍾山去
六代園陵日易斜

房相清名早罷官
金徽摧絕董庭蘭
不如消渴臨邛客
壚畔芙蓉一世看

大頂峯望海歌

八月廿五日借上官寅齋先生長君近仁

夜夢看日危峯旁
曉躡絕頂臨扶桑
天光茫茫海蕩蕩
羲和攬轡金烏翔
天低入海海不動
海勢出天盤青蒼
朝霞倒影散金碧
齧背潮落秋聲長
日氣水氣忽激射
霞彩又似屏風張
鮫宮蜃市屢變滅
淡水隱隱連黑洋

往者紅夷既跳梁孫盧小醜仍披猖廈門澎島實鎖鑰
到今未可疎禁防我無手挽天河力安能海氛一洗無
飛揚登高望遠古多慨山靈漫笑來荒倉秋風蕭瑟捲
駭浪滔滔萬里朝谷王千帆疾下若去鳥願汝鯨鱷毋
相當作歌長嘯撫崖石白雲冉靄流衣裳

靈源洞

洞口秋光夕照邊蕭森石道好聽泉松聲忽忽壁閒雨
江影茫茫巖下天點筆幽闌經歲月摩崖古篆出雲煙
倦遊潘鬢年來異俯仰空山意惘然

臨滄亭

海水連天不盡流去帆葉葉晚風頭層山遠影皆成黛
落日寒光忽迸秋共說聽潮知佛唄誰能采藥問神洲
煙霞滅沒扶桑暝萬里空青澹未收

扇上書

一飲瓊漿便去休雲英早向玉京遊尋來杵臼樊姬在
惆悵元霜百日留

羅襪香銷蜀道還海天何處覓蓬山金裝紅玉方無恙
怕看筵前謝阿蠻

法曲新翻舊羽衣瑤光人去獨春歸燒槽試聽流珠譜
一夜梅花作雪飛

少歲歡娛似夢中，傷春傷別太惻惻。
紫雲縱許司勳問，已向湖州見落紅。

六亭先生今年七月竟死於臺灣，初調任時先生本不欲往，大吏以修郡志強之行，及是聞訃爲之

慨然。

萬古鯤身水昏昏，接黑洋可憐衝瘴癘。
不復返家鄉，魂往魚龍泣官貧。道路長何時看歸骨鹿耳，已秋霜。

白髮難重見，遐荒足涕洟。死惟一子侍。

先生渡臺時

名

悔長官知大海，風波惡。清秋日夜悲空餘，磨鏡具征帆。

孰東馳。

玉將樂欲游玉華洞不果

昔聞水南郭古洞闕幽遐杳杳一雲氣蒼蒼千石華不成憩青壁有夢訪丹砂爲報山中月今宵莫早斜

送舒二

懷

繼元往湖南

半歲嗟離別歸來復送君鄉心章貢水

君原籍臨川

秋色澧

湘雲斑竹應留怨幽蘭孰遺芳扁舟卸帆日爲報故人聞

秋風曲八首

海上秋風又十年哀蟬落葉感纏綿高城砧杵寒先覺
永夜闌干月自圓金鵲鏡清依瘦影玉鸞琴冷斷孤絃

傷心莫向天涯望赤鯉滄波總渺然

屏風十二擁瀟湘九畹蘭根只自香雁到衡陽書竟斷
兩昏巫峽夢偏長英皇誓死從虞帝神女灰心戀楚王
爲憶娟娟斑竹淚不堪搖落正秋霜

蕭晨眺遠意堪哀欲託微波去不回西北浮雲何汗漫
東南孔雀正徘徊漢家未許金爲屋魏闕曾歌火照臺
聞道文園消渴甚長門詞賦少良媒

色命相妨福未齊蕭條門巷但烏啼鬢絲縮鳳爲誰散
眉黛凝螺久自低大上高居連白社小姑獨處怨青溪
淒涼贏得神雞伴冰簟依人曉夜棲

金壺漉淚洗紅冰，薄倖空勞繫赤繩。陌上羞歌秦氏照，
筵前苦憶寇家綾。蕭蕭別恨關門馬，黯黯離魂水閣燈。
惆悵迴腸如棧道，劔門西繞一千層。

人聞謠詠嫉蛾眉，寂寞金堂悔可知。教妾廿年貞不嫁，
望君千里見無期。明珠寶帳新歡寵，紫玉殘釵舊匠悲。
二十四橋橋上月，鳳簫幽咽已多時。

黃金不解賄丹青，欲請單于紫塞行。每夜空篔簹，憐夢斷
多年絲竹激秋清。真愁奔月無靈藥，未信隨風有結纓。
回首六朝香粉地，瓊花凋盡石頭城。

簾捲高樓白露寒，綺繡涼冷五花盤。人憐趙后如紅玉

天遣班姬泣素紈，綦局當心平不易。關碑銜口語應難，
秋風蕭瑟明河遠。何處雙飛問彩鸞。

金門於福州八月病歸卒於水口舟中。予至家後始聞訃，心痛累日，雪涕爲哀辭，不復目知其工拙也。

何遜今長逝，魂依碧水濱。死生皆異地，

若尊甫孤山東
泉篆時君生於

暑中福命薄，斯人天與年。何促才空世，所珍可憐。蓋棺事獨有一兄親，
卒時惟仙洲
六兄在側

灑落詩千首，才名自少時。狂於壯年滅，心與古人期。一病無歸日，千秋孰可知。夜臺好友在，雪涕對南池。
高隆
程字

南池君長兄女倩以舉人任山東東阿
縣今夏卒於署與君在日唱酬莫逆

浮雲看富貴十載臥空山豈戀科名好堪嗟道路艱煙
霞催死別魑魅奪生還應共黿鼉泣江楓一夕班

爾臥秋城日相看疾未深那知長別語竟盡一生心

十六日予出關聞君病勢稍重亟趨往視則病似甚輕
起坐皆自如次日復往視因顧予長歎曰恐與故人從
此長別矣予好言慰之不料其果至此也藥餌應多誤風波況易侵登舟吾
不視遺憾海雲陰

七尺封侯骨桐棺薄殮休書遺三女續詩待兩兄收

弟七人今惟五兄厚莽
孝廉六兄仙洲秀才在日自寒丹旆天難問玉樓傷心

弔騷魄不必焚江頭

嘉慶丁丑九月同邑李古山先生卒庚辰侯官謝
退谷先生長樂陳惕園先生卒道光辛巳正月古
山先生孤孫實敷卒二月閩縣何希修先生卒四
月歸化羅纏書卒今年壬午七月德化鄭六亭先
生卒八月而金門又卒古山退谷惕園希修四先
生家貧特甚實敷年二十一聘而未娶纏書年未
及三十金門年未及四十皆無子而六亭先生又
與金門同卒於異地其皆可哀也已既哭金門以
詩追念平生故人不勝黃公酒壚之痛輒復賦此
莫聽鄰家暮笛聲百年一瞬淚縱橫凋零謝傳哀親故

貧賤朱暉愧死生白馬前難踐夢隻鷄墓下敢寒盟
卽今處處秋風急關塞青楓日夜情

憶石巖寄彭伯壘

五嶽思看去尙遲舊遊禽慶亦睽離方餘一事堪惆悵
石壁無人月上時

夜泊聞笛

癸未

綠淨澄波似若耶扁舟泊處月初斜東風一夕聞吹笛
落盡春江兩岸花

竹崎關阻風是去年何金門亡處

死別難重見天涯我復過乾坤自風浪魂魄此關河命

惜奇才薄哀遺弱息多春流不堪問灑涕對悲歌

三月十四日星槎內兄以鱒魚招飲卽席有作

忽忽春光展已過共爲羈旅悵關河一城風雨開樽晚
三月鱒魚上市多少賤子公頻丐貧伴狂仲孺久蹉跎
天涯落盡桃花片那得相逢不醉歌

讀五代史偶作

阿鞏披猖禍未終山東藩鎮劇相攻亂離那識真天子
跋扈皆爲一世雄戎馬北來爭洛下衣冠南去竄關中
可憐夜半焚香語猶是辛勤聖主風

蜀昭烈帝

髀肉摩挲涕淚頻江東河北盡烽塵地留隴蜀存炎漢
天廢關張助敵人嗣子可憐憑佐輔老臣他日獨艱辛
大桑古柏蕭森長祠廟於今尙有神

魏武帝

洛陽烽火照長安誰使高皇土宇殘喪亂若爲當世用
英雄能並使君難終教銅雀憐諸伎早信黃龍識五宮
七十二墳斜照滿魏陵還比漢陵寒

吳大帝

二袁蕩覆間江東國勢分明未可攻已許和親要蜀帝
尙勞降表結曹公白衣人怨兵中櫓赤壁天憐燒後風

至竟不關生子事，蠟磯能殉實英雄。

松風堂懷李忠定公

天津橋上鵑啼哀，白雁朱鳥哀西臺。江山兩宋久銷歇，
偃月半閒安在哉。閩中留得此堂古，晝夜長松吼風雨。
可憐白髮老臣心，摩挲龍鱗手種樹。當年辛苦諫和議，
書生獨任專城寄敵騎。未飲遼左泉誓書，已割河閒地。
但言主戰罪李綱，誰知勁寇終披猖。金繒有盡禍無盡，
紹興事勢如靖康。淒涼二聖淪五國，天顏萬里歸不得。
老臣遷謫猶故鄉，泣望宮車日無色。烏虜當時天下原，
可爲四將材。武如熊羆宗澤張浚，皆偉奇公之謀略足。

總師乘輿早西據關隴襄樊置帥相維持一軍淮南一
江上犄角戰守隨勢宜尺城寸地弗與賊歲幣以勵
士疲微欽必返國必復豈致半壁安偏陞光堯昏庸
足道權奸竊柄太阿倒亦知冰霜塞北寒可奈湖山
西好中原父老望中興岳王讒死韓王老如公先棄
海濱恢復空陳十疏草英雄於世竟無用東徹涕淚
誰慟錢塘宗社尙百年自是人心未亡宋颺風他日
崖山龍種不駕鼉梁還此堂門亦臨江灘公魂應哭
蛟鼉舊詩淒清宛可誦來薰海月亭交環

堂在今南臺
天甯寺舊有

薰海月二
亭公皆有詩

卽今老松摧折久六陵冬清亦無有君臣

遺恨各千秋廢圯何勞怨倭醜

堂明季爲樓宛所毀

閩山高高閩

海清桑梓萬載留公名我亦生爲昭武人訪古未涉梁

溪瀕歸尋五曲祠堂水

邵武公祠在城內五曲水旁

一洗熱腸薦香

芷招公毅魄向天南

公芬侯官縣十九都大嘉山今名李公山

蕭森古柏長

風起

邵武公祠古柏一林極盤鬱可愛

月夜所庵先生令弟美叔

灑然

秀才寅齋孝廉家

巖山兄小集繡草廬

聚散殊難定樽前且醉歌爲看賓主好轉覺別離多澗

水喧風夜秋天耿露河不知淮上客誰共對金波

兩農時住

陽

螺女江頭酒留痕尙滿衣夢醒天正遠秋與客同歸
明月看生事空山欲息機故園好泉石暫此接清輝

贈上官二懋誠

信

銜石空勞洵自波身如靈鳥欲如何嵇康幽憤家難問
阮籍佯狂淚總多夕照川原悲落葉秋風樓閣望明河
別來天地皆蕭瑟酒後相看一醉歌

水仙引月夜聽高二任卿彈琴作

驚風吹水水漫漫白日入海蒼天寒空青千里氣不盡
黑鴉影沒三神山冰夷嘯浪老龍出大蛟小鱷啼秋滿
仙乎仙乎胡不還刺船一去遺我歎遺我歎腸斷續高

生指下傳此曲千年海上玉蟾冷一夜流光照修竹長
鯨蹴踏滄波高來向君家雪壁屋我欲抱琴戲蓬萊屋
市鮫室嘻危哉請君更奏還舉杯仙乎仙乎海中不可
以久處盍與鳳鳥同歸來

至光澤則定金門遺稿追感泣然卻題

大雅今稀正寡羣芳蘭又折感遺芬國中此日無顏子
天下當時有使君落日故人悲玉笛西風新鬼唱秋墳
插簪散髻風流盡真定王家死後文

君已別寄示詩集
有王儉定文在注

簿
句

丁年樵水定交初

丁丑秋訂
交於郡城

兩度雲山過草廬秋色再

來誰是主天涯一別獨愁余孤嬾說夢魂應在予將至

示夢家人弱女扶牀病未除時君長女回首綠樽紅燭

夜瀟瀟風雨悵何如

雨宿新城郭外十五里田家中夜見月有作

秋風扇江海雲雁皆紛飛遷延天涯客曰歸猶未歸數
月晉安郡十日杭川陸昨初戒徒御復此愴路歧衣裳
霖雨溼牀褥無地泊夜臥篋輿中醒覺蚊蚤欺蕭蕭土
銼煙耿耿茅簷輝起視正殘月四壁聞蚺蟻人生苟失
意焉用親串知慷慨竟夕歌遠游悔可追

聞江蘇安徽浙江江西湖南湖北等處水災甚劇

感賦

今年使者出

京畿散粟千村賑歲饑何意江南民困後

辛巳吾閩與六省皆大饑

癘疫互作

更同薊北水荒悲秋風楚塞哀鴻雁夜雨吳天長

鱷螭同是

至尊胞與類諸公毋恤告流離

寄雨農舍人鳳陽

秋波起淮泗落葉楚天長一夜聞征雁關河盡曉霜高

風官閣晚寒日客衣涼雲白山青在何時返故鄉

舍人家有

青山白雲樓

寄懷姚石甫

登

明府

鄉人自福州歸言明府方波臺灣念之悵然

萬里碧雲外孤城滄海東夫君去天末旦夕獨秋風我自弄瑤瑟故山明月空欲從采蘭芷先與報飛鴻

送秋

容易年光似水流久傷春盡況傷秋蕭蕭紅葉疎門巷
慘慘黃花散酒籌
濶落正如多病客寂寥思共定僧游
東風自別無消息目斷西風又去休

荻蘆花盡見江潮一夜天寒海燕遙風雨最難忘九日
夕陽苦與弔前朝歸經楚戍悲山水歌罷汾河怨鼓簫
回首凋零何限恨秋魂秋色兩迢迢

露華交代作霜威佳日登臨舊興違歲暮一年人自老
天涯千里友誰歸山中叢桂留雲凍嶺上寒梅破笛飛
莫問玉關征戍客雪花從此打弓衣

夕陽

風急夕陽沉千山暝色深孤雲無定態高鳥有歸心樵
牧回村巷柴門對遠林蕭蕭看落葉惆悵歲寒侵

漫書宋史

真人望氣已先知點檢功高更不疑驛裏黃袍應自笑
宮中玉斧竟何爲但聞愛弟傳餘祭豈憶先君舍與夷
回首臨安贖孝廟昌陵風雨久淒其

寇弭澶淵釁未消中原從此忽天驕一廷洛蜀爭三黨
百戰金元做兩朝莫怨悲歌來白雁堪嗟亂首起青苗
宣仁社飯誰能憶紹聖明年已寂寥

熊二拔才

九成

孝廉歸自都門枉過做廬卻復送

別

故人燕關至復此嚴冬時昨別能幾日蕙華淹已衰蛟
龍吳楚驕鴻雁江淮悲天涯風塵色下馬留征衣既話
道路感因憐愁病滋開尊屏不御僮僕屢告馳出門暫
攜手仰見雙鳥飛川原正落木一去餘斜暉交親別離
切年往歡會稀卻歎山中月今夜來爲誰

西溪曲

西溪者何自建甯至順昌上洋口也孰謂之建甯南鄉之舟人也鄉人操舟名以事區工以力計語有諱字器有異稱故采其大略作西溪曲凡十首比於竹枝樂府遺意云

儂家住水西送郎往西溪長將溪口月照人水西啼

可憐家裏塢不復知外邊生憎三灘水流得近郎船水裏塢三灘灘頭長吉皆舟人所居村也

宛宛連雲橋高高青雲閣閣下好灣船橋下風波惡連雲

橋青雲閣皆在邑北閣外舟多泊於沿閣上下

黃竹絡青箬一船蓋三逢儂願作弔波爲郎障雨風

亦蓬之屬常附繫篷底
過風雨則下繫以障焉

小漿溪雖險不如大漿溪併過坂孔去綠波如琉璃

舟梢公共放一舟曰併坂孔屬秦
甯西溪極險灘也在大漿溪下

蘆庵關刀石年年愛打舟莫是三門水儂郎須併頭

公曰放頭併頭合兩舟梢公共操一舟也蘆庵險於坂
孔有石扼水如刀謂之關刀嘴常破舟故併頭遇三門

水則舟行與石遠乃不併焉三門永謂水
大漲不則謂之頭門水二門水皆舟人語

郎船過常口灣船買新竹不知儂相思密密竹節續

去仗龍興子不怕灘與磯多買師父篋郎船穩載歸

曰龍興子師父
篋纜之屬也

上灘船初來下灘船初去上下多同鄉呼名各相顧
下灘如下海上灘如上天下灘愁半月上灘愁半年

奉何厚莽長載孝廉

綺歲飛騰氣絕倫十年厭踏薊門塵君家昔本八州督
此筆今之六代人鏡裏淚花悲往事君悼二姬有
淚花賦極佳夢中

芳草失前春令弟金門
去年卒共誰沈醉街西第
觸平生莫

損神

思伯子堂詩集卷六

建甯張際亮亨甫

正月九日邵武試歸宿山口驛見梅花

甲申

試院東偏一樹花
昨來曾見影橫斜
更逢疎藥垂官驛
倍使歸心感歲華
寂寂山空明落日
蕭蕭風晚噪棲鴉
故園春色知何似
酒罷巡簷獨憶家

哀流民

癸未東南諸省大水
楚災尤劇其流民
丐入吾閩者日至
百人飢寒困頓
或死於道
所見若此他可知也
爲賦此詩冀當事聞而加憫焉

辛苦湖湘客，飄零異地春。
飄飄歲月雞犬共風塵，道
遠思家失年荒，就食貧東南，半漂蕩，何限此流民。

賈生

賈生當日實高才，卻宦長沙久不回。
天子本談黃老術，功臣何止絳侯猜。
過秦有論言誰聽，弔屈無情志自哀。
千載龍門留特筆，一篇傳在楚騷裁。

過挽舟嶺述感

予正月十二過此嶺，今二月二日復過焉。

東髮多感激，倦游知故園。
復茲歷崎嶇，回首心茫然。
向生有婚嫁，揚子無區廬。
非能棄鄉里，庶自謀迪迺。
登高惜日月，眺遠悲關山。
丹崖變落照，幽谷懷新煙。
攀條葉

未互睇淵泉已涓觸緒既永歎撫時迺迅邈來蹤悵六
邁往躡追徒煩幸當告僕御邦族終言旋

自泰甯至將樂道中雜感

泰甯城外日高時宿酒初醒欲去遲君看秋風舊楊柳
今朝吹出碧垂垂

緣到溪南第幾峯畫眉聲裏雨濛濛一年春色難忘處
又是桃花日暮風

盎盎黃金散野田兒時曾喜菜花天帽簷插徧雙親笑
惆悵春風二十年

建昌西下白雲多章貢春深水正波一送征帆能幾日

日斜回首各關河

伯兄正月廿六適燕

帳下聽歌已十秋春風重感到林邱翻教兩歲輕爲別

送我臨行雪滿頭

何臥雲夫子壬申癸酉館予里中朝夕從游今癸未甲申復館予里而予

兩歲皆游福州也

故里雲山悵阻遐征鞭此去況天涯他時屈指相思日

又落東風一度花

予家距藕亭先生里百里自壬午冬松谷別後至今未一見焉

當年何門李

金實

戴實高才相見花時每舉杯不信萋萋徧

芳草王孫何處不歸來

光陰十載竟悠悠感舊懷人愴旅游莫向龜山祠下望

李花如雪水如油

過漳源嶺

飛鳥不到處天光皆下垂
雲霾千仞壁火燒萬年枝
湖落山多響風高日易移
復輿六來往未敢怨艱危

夜泊城門瀧大風

山暗大風鳴蕭蕭草木聲
魚龍翻峽黑星月湧江清
客夢寒偏覺鄉心夜久生
併隨流水在百折繞灘驚

次日阻雨復作

舟行迨百里水次已三宿
征途信淹留鄉思切
鞿獨滄波渺無際白雲莽相屬
迴峯互蔽虧天光斷遙矚
東風飄零雨脩脩動崖谷
薜荔暗長煙山鬼笑寒綠
幽碕昧

昏旦去跡迷川陸空悲沙鳥飛不送關河躡艱難本寡
歡進退誰能卜方將永言邁委懷幸母辱

延平舟中寄懷四兄荆玉兼柬朱雅懷懽秀才

江上青山出劔州煙波凝碧使人愁故園春望空相憶
不見桃花日暮流

花朝後一日閩江舟中口占

昨阻風水口今早行
數十里換小舟後不

得進蓋上流舟自西來
而連日皆東南風故也

李花飛徧雪濛濛春在微茫夕照中休怨峭帆江路遠
天涯能幾日東風

是夜舟中對月復口占一首

此水自何代此月自何年茫茫歷萬劫置我孤舟前推
蓬獨坐眺浪底翻青天星芒一百丈倒射波淪漣白氣
霧渺漫黑影山蜿蜒恨無吳剛斧手割橫江煙試猜江
神意要穩魚龍眠沙岸杳已沒花船去可憐以妓舟渡
江者俗謂
船也春人有好夢應落空濛邊且復取酒酌醉弄銀蟾
顛千載後此夜將誰憶我先

春夜聞雁

冰雪時看盡關河夜卻飛高鳴應自惜倦羽復何依瘴
海波濤闊春江蘆筍肥天涯無限客愁汝此堪歸

上巳微雪

二十五年過上巳眼看作雪始今朝城空凍地羣嘶馬
野曠低天獨去鵬霸國關山陰漠漠春風江海晝蕭蕭
高樓坐對梨花久一樹鄰牆黯不消

黃石齋先生先塋篆碑搨本歌爲陳熙臺廣文作
辭曰烏虜是我贈考青原黃公之墓於虜公履
仁導軌隱德藏器乃不於其身於其來嗣烏虜
公逝蓋十八年乃膺錫命明年乙丑交母旋自
京師乃葬我公有明年文母則逝明年丁卯始
合葬於茲烏虜惟二人乍德伯我來人亦惟來
人乍德我二人其享之於虜永世念哉公行十

九小諱季春字嘉卿銅陵人以字行生甲辰殂
於丁未妣陳氏行三生戊申殂景寅蓋百四十
三歲葬於縣北之州市山子長士珍次道周是
肇封假於有廟時丁卯天啟七年男道周志

麻衣泣血啼夜烏淚花哀蘸松煙枯蛟鬣鏡出負鼎虜
塚上百靈不敢趨青原乍德飴來嗣爲臣若子節偉殊
憶昔天崩白日圻煤山痛號如鼎湖渡江五馬不化龍
龍種攀附叢妖狐已聞青蓋去鐵甕豈保黃屋安海隅
封狼生羆互驕蹇爪牙跋扈誰鞭驅不歸誓墓重負國
九鼎要以一手扶義旗慘澹蚩尤走載先帝靈章貢呼

南人下泣北兵弔丞相一朝乃鬻俘孝陵中夜大星吼

英魂死對香楓株

福王既敗孝陵松柏伐盡餘楓樹一有僧縛茅共下顏曰香楓庵餘事見

本傳至今北山二百載父老涕滿遺碑孤玉皇卻遣雷洗

濯電火失燒難再摹平生著述半晦沒

先生有遺集百卷今尙未能梓

行一碑豈曰非區區廣文得此置學署字奇石鼓無糲

糊爲言捐本祇數十作歌要我慙韓蘇頗聞建州寶墨

跡山精畏見潛藏道

建陽書坊里某家有公手書二幅每題民家鬼魅作祟借去懸之其

怪永

絕但令合刻更示後足與文廟岫嶼俱

福州府學明倫堂壁有重

勒岫嶼碑顯佳

徽宗行草少溫篆

福州城外山中有宋徽宗行草石碑字頗秀逸又李陽冰

篆在烏石山般若臺予欲捐而共藏之皆未得也

我力莫致同嗟吁卻思十葉

舊園寢昌平掘盡千珠襦荆榛隨道徧樵斧御碑仆作
磨礪需州市片石人共惜可知忠孝貴不渝眼前且須
謹收護上界恐復來取輸不然疾風助急雨連朝打屋
夫何愚

過余二時續

潛士

秀才齋觀雁宕山圖志漫作

昔年二十一嘗登雁宕山留詩答山靈醉語不可刪自
歸今五載藤蘿無由攀披圖認兩谷宛在巖壑閒墨光
積怪異石骨錢蒼頑千年靈湫瀑出紙來清寒自疑失
至寶歲久仍我還又如入夢寐神馬騁重巒高言未敢
吐恐觸龍鼻蟠

靈巖及龍鼻洞小語
概嘗答最山中奇勝

卻憶荒庵飯齒牙

思伯子堂詩集

卷六

六

餐雲斑枯僧愁雨臥射和雷聲闌再游祇有約風貌非

少顏慙照錦水溪況乃貲糧艱覲茲屢莫致

求此志數年竟未得

緣豈真天慳幽齋共快目徧覽兼文翰鬪奇笑命筆竇

公忘老孱

諸城竇東臯先生爲浙江學使過山中嘗云雁宕奇境天設筆力鬪之不過故不作詩也

雜詩

朱明變令節青陽謝芳時薰風扇芳草千里何萋萋我
有所思人乃在天之涯逝將並方舟偕子相遨嬉江湖
多風波中藏蛟與螭長恐一飄泊性命輕鳧鷖故鄉旣
寡歡遠望還涕洟

鬱鬱高桐樹上有雙鳳凰不知何鷲鳥擊之雲中翔芳

條自葳蕤不聞鳴宮商我抱綠綺琴山水音琅琅一
再三歎聽者爲慘傷鳳凰當歸來梧桐亦已荒

磊磊南山石鬱鬱千年松松根結石骨盤錯擎蛟龍白
日若垂雲青天生悲風禽鳥不敢息正色無春冬不知
誰家子斧斤戕其終以此梁棟材爲彼樵蘇供太息復
何道不如桃李容桃李猶作花年年西園中

西望長安城峩峩帝王里宮闕切霄漢出入金張子七
葉珥貂蟬五侯相賓友車馬何光輝奴僕傾羅綺下士
守蓬蒿惡衣聊蔽體豈不慕富貴時運有終始君看南
山雲何如渭川水

東京有一士常爲五噫歌去之吳閭閒庶下聊婆娑
賃春豈云樂辱身庶無佗朝望姑胥臺麋鹿鳴相和
西施昔行處至今芳草多霸圖且消歇榮名將奈何
不見臺上人惟見長江波

佳人姱朱顏零落在空谷容色豈長好盛年感幽獨
昔日陳皇后迺聞有金屋恩義一朝變長門怨何促
愛憎他人心安能計榮辱滔滔湘水流嫋嫋風吹竹
二妃淚痕斑蒼梧雲正綠

仲孺醉罵坐次公醒亦狂不如阮嗣宗口絕否與臧
厥人惡正直賢者多謗傷大道如龍蛇與勢爲弛張
達人

不物物飲酒聊自藏懷古有是非撫時毋慨慷

歐冶子鑄劍歌

赤塵夜崩鬼神泣若耶倒捲作人立雷公擊鼓割雲根
萬年入地銅精出溪山迸裂風怒號銅精氣逼蒼天高
天帝下視不敢逃命蛟龍捧紅爐燒蛟龍坐變金鱗黑
四海水深歸不得爐中一劍卻如龍光射山川日無色
當時鑄此歐冶子鍊乾坤剛出脊理酒酣拔劍喝月行
銀漢忽傾星斗死按運直舉不可當影與流電相低昂
英雄莫笑一人敵三尺竟削諸侯王卽今歐冶豈復作
銷沈純鉤等干鏌閩越爭傳鑄劍池山靈應笑人穿鑿

書院芭蕉

鼇峯書院假山上故有紅蕉閩人誤謂之美人蕉者也花開可愛然其本皆不餘二尺惟監院署後廳芭蕉一叢本高一二丈雖不作花而翳日籠煙離披盡態至於飛雨驟至飄風蕭蕭中夜作響使人聽之不能忘情去夏五六月常居此廳今年復來居之與芭蕉作故舊歡幸相見無恙也古人愛此者多矣予所聞近世賢士大夫則祥符周樸園侍郎大興朱竹君學士侍郎所至輒種之常禦盜吾郡名所居曰蕉堂今幾

矣學士按試吾郡種之於試院今猶有一二本
存者陸院副耳山學士門下士也爲學使試吾
郡古學命諸生作歌紀之吾邑朱秀才詩所謂
綠天人去影離離雲散風流不可續是也於福
州使院亦種之吾邑金孝廉榮鎬亦學士門下
士也鄉試來福州學士知其貧戒門者任其出
入嘗進院值學士短衣褰蕉葉作懸跣狀見孝
廉至一笑而已其不羈如此予不及見孝廉聞
之其弟子又聞石君太傅與學士對弈家人以
茶至誤觸太傅衣盡溼太傅起願學士笑曰幾

爲兄敗矣賴此一杯解圍寬仁如此視古人婢
汚朝衣事何愧焉太傅爲

國朝名臣學士早卒功業未究然任俠好義振
拔單寒在吾閩每試一郡畢輒游覽山水留翰
墨而去至今留心文獻者稱之與太傅無異也
予嘗於福州烏石九仙山建州歸宗巖吾郡詩
話樓六虛亭見其詩字皆軼絕埃壘每恨不及
追隨其人因同有愛蕉之癖故兼記其兄弟一
二遺事而侍郎在吾郡禦盜之暇亦多與郡士
之才秀唱酬因以成名者甚眾皆近世士大夫

中所未多見者也

古稱七閩與百粵佛桑甘蔗兩奇絕五羊城外花燒空
閩中甘蔗漸消歇千年美人今不來幽芳冷落向誰說
金鰲峯近通津門圖書清秘如西園兩載此居豈天意
要令山海酬詩篇鱗魚荔支快口腹況有芭蕉當蠟炬
朝光沈沈藹深屋炊煙翳葉流新綠疾風急雨雜飄蕭
落月驚飛紅蝙蝠天涯千里未能歸芳草飛花傷遠目
江潮夜在簷宇閒不送歸夢困關曲欲別汝去心躊躇
綠天一笑時自娛只憐苦心愛者少學士手種今空餘
豈獨漢宮十二本蕉堂荒與扶荔俱此閒小胥肆剪伐

何怪蘭以當門誅講堂亦有丹荔樹不及鑑亭荷如故
徐家綠玉舊齋存繹龍三兩吟煙霧此蕉縱無零落歎
不知我去誰當看碧雲渺渺空庭暮斜照離離風滿闌

寄贈高所庵丈

高侯八尺真丈夫廣額大頤兼虬鬚平生俠骨天下無
要與當世分憂虞不駕駟馬握虎符乃使齷齪拘儒
目中空破千卷書五十已老須人扶我本少年頗狂疎
喜君磊落如大蘇子出雨正輔寅齋游詠俱意氣作使酒
百壺城東家世美園廬庭花萬架翻風舒清琴橫牀月
不孤秋河燦爛當座隅劇談時事獨長吁睥睨富貴豪

美獨謂不朽必在吾相見每爲慰窮途祇今愁絕

江居四五月霖雨濡大波滾滾蛟龍驅天影青黑

孤蘆西望困關遠模糊接翅難逐兩蛟烏烏君山俗名大小玳山

高侯善病幸自娛有田負郭桑成株古來世路多崎

豈如杜門安里閭看山且跨秃尾驢網水且膾縮項魚

高陽池上舊酒徒當聽二子彈單令嗣春卿任卿昔能琴

烏君山歌寄懷雨農舍人

鑿河一片落煙霧挂在碧峯最深處玉龍待我我不歸

事今留汝看瀑布山中之雲亦千年雲氣窈窕而蜿蜒

大月如盆高照天四壁啾啾聞夜猿重崖絕壑闔風雨

仙人春夢寒流泉可憐杭川人應憶晉安客手持綠玉
杖笑踏萬仞石五月長歌同入山少年健走比霜鶻醉
題名姓在巉巖字高去天不盈尺吁嗟乎碧海不可問
丹邱渺難尋煙波淼淼江水深側身西望愁我心徐郎
已去神烏老安得從君種瑤草

瑯琊王碑

率干阿罕初披猖河北藩鎮兵馬強可憐神武剪淮蔡
濮曹販僧終鴟張窺竊神器劫天子中原擾擾如沸湯
司徒九龍起吾鄉陳司徒
吾邑人坐致海隅民小康光州兄弟
繼餘烈材武足與吳越方射潮三千笑銅弩風雷夜震

開甘棠四門學制亦造士豈須列舍匡廬旁自非英雄
有大略銘功胙土何可當惜哉落魄來芒碭徙都逼禪
情蒼皇厚恩未報不討賊歲歲航海還貢梁此如鐵券
恕九死拜官且喜同孫郎一朝豚犬互吞噬骨肉祇飽
豺與狼秣陵戈船渡建水水晶宮燼烽煙長白頭父老
兩故闕撫茲片石哀興亡驕淫早信卒覆滅曷不倡義
嘯臣綱鍾山風流隱士去錦衣玉帶空錢塘千年功德
不泯沒巍然靈壁留陰廊大書深刻微缺蝕摩挲懷古
神以傷我思清流白馬盡東南天要存文章衣冠八姓
首沂淡于兢此筆工掄揚當時熙載與昭諫辭藻似此

尤清狂飄零各竄江海上吁嗟亂世才不祥欲藏萬本
手自搨故紙亦盡澄心堂精魂地下似遺恨怪雨忽送
悲歌涼蘇公文愧表忠觀宮詞聊許追漁洋

漁陽有南唐宮詞

嗚呼瑯琊封碑今不忘道旁無客稱閩王

蜀

世祖寬仁收隴蜀鼎分終與奠炎劉可憐白帝賓天日
不忘黃初竊國憂將相高才追建武英雄遺恨失荊州
伏龍戰壘裏斜在父老千年泣木牛

魏

建武當塗讖已同莫歌銅雀憾曹公興亡東漢皆河北

禪讓南朝始鄴中三國戰爭無治亂一家詞賦有英雄
坡仙徧看天涯月老怨吹簫赤壁風

吳

岷峨氣盡大江東蜀敗吳亡事竟同六代江山開霸王
二喬粉黛送英雄堪嗟鐵索橫天塹不斷樓船駕利風
青蓋降幡應莫恨銅駝宮闕夕陽中

蓮花生日詩

六月二十四日也

水閣今朝菡萏天千花紅放夕陽前庚寅可共騷人日
甲子當過絳老年菜地佛生應浴豆香房兒洗不論錢
語云分香
逆不論錢碧筩勸汝一杯酒存沒繁華幾惘然

思伯子堂詩集

卷六

七

神女凌波出洛遲
盼伊此日到芳時
一生長養替香國
十日笙歌約水嬉
紅粉容華看健在
碧池歲月恰相宜
畫簾清晝微風捲
翠羽飛過見數枝

千葉田田四壁稠
銀塘艇子記閒游
風前顏色憐人減
花裏光陰付水流
絕豔白來稀老壽
苦心誰與共春秋
替他設檻支炎日
聊當懸弧在上頭

我亦生當廿四辰
幾生修到此花身
千秋可壽人閒世
六月能爲天下春
湘浦荃蘭懷彼美
華峯煙雨祝樓真
藕船十丈今無恙
玉井思驂跨鶴賓

釣龍臺懷古

秦人失鹿羣雄起，斬蛇帝子作天子。駿馬夜嘶楚歌泣，
不如鈞龍滄海淡。烏虜飛鳥已盡良弓藏，項王既死誅
韓王男兒當自霸。一方島上恥殉田橫亡，大江潮頭高
萬鷺釣竿直拂珊瑚樹。真龍到此也吞鈞，劉季如龍豈
足顧他年射鱖兒。孫豪欲弭甌，粵禽渠曹縱，搜赤旆，怒
遷徙一家壯氣橫。雲濤我登茲臺望，漢闕歌風集靈久
濯滅射蛟戲馬跡。蒼涼虛門千載虛，明月烏喙甲楯會
稽山無諸縱橫開。百蠻英雄有後苟如此，五湖可放鴟
夷閒。金牛舊碣峙遺廟，父老傳聞莫疑笑。西狩胡爲書
獲麟神物之來本，感召滄波一洗青天秋。絲綸今在誰

敢投但吹鐵笛俯螿背坐看拂檻蛟鼉游

七月一日葉大席珍秀才招同人小集范忠貞祠

食荔支

青山燒紅玉焰焰荔支光酒約秋風至天留夕照涼當
筵擁仙子懷古各他鄉畫壁悲歌意堪於醉後忘

涼風

涼風起江上千葉客帆飛雲水紆秋色川原隱落暉故
園歸夢久遠道尺書稀向夕空西望重山幾翠微

雄心

雄心天與久蹉跎頻歲光陰客裏過劉毅貧原無儋石

謝安少不廢觴歌山中鴻雁鄉書少海上秋風夕照多
昨夜思歸看月色幾回圓影滿煙蘿

雨夜聞笛

歸心自多感況此夕秋風滄海沈孤月高城動百蟲不
須怨楊柳已見落梧桐蕭瑟關山恨吹來暮雨中

臨滄亭

海水日夜綠秋風今已涼蓬萊不可見瑤草爲誰芳滅
沒俯雲鳥混茫當夕陽歲華去無限流恨此滄浪子丙戌

真壬午及今
凡四游鼓山

靈源洞

松風何蕭蕭蕭蕭常千年上有千年峯下有百丈泉空
山四無人返照秋蒼然嶽崎入萬石窈窕尋孤煙俯瞰
烏龍江雲勢如馬旋目極一鳥飛影滅餘高天幽亭坐
超曠絕壁搜鑿鑄深懷峴首悲不見羊傅賢波光忽滅
沒暝色來巖顛卻顧寺門月待我空濛邊

秋柳和友人

西郭門前一樹春
清秋回首恨逡巡
相逢更到蕭條日
望遠還傷老大身
驛路征驂霜共月
關山橫笛雁如塵
東風苦憶花朝別
持贈離筵正有人

江邊瘦影照絲絲
憔悴今朝爲阿誰
作絮尙憐春盡後

樓鴉不見日斜時道當來往愁頻折人共渴零感可知
借問白家樊素伴尙書垂暮欲何之

何處青溪舊板橋清歌怕聽雨蕭蕭衣痕微日偏難忘
眉黛韶年總易消生與桃花同宛轉近來蓮子亦飄搖
江南誰見王郎少鶴筆風流慘六朝

葉大歸永春爲作

一旬送客已三回懷抱何因得好開試挽征鞭指秋色
千山落日越王臺

九日觀演劇口占

海城秋色又如此問君不飲何爲耳江南子弟好顏色

爲我當筵歌舞起欲雨未雨天不高西風絲竹聲蕭瑟
持杯盡醉擲杯去徑踏盞頂凌煙濤

寄藕亭先生

近聞得疾臥家山我愧飄零尙未還居共故鄉翻久別
感深知己憶衰顏百年老鬚秋風裏千里羈心夕照閒
爲報碧雲無恙在幾時相從踏煙鬟

食鱒魚口號

包山霜橘太湖鱸江左秋來最好居誰意南風到潮信
海天九月膾鱒魚

砧聲

驚飈一夕起秋空怨入清砧幾處同
萬里塞垣霜重候
千家樓閣月明中淒涼欲絕傳寒杵
嘹唳初聞和朔鴻
長別可憐心已斷吳綿半搗淚花紅

金堂涼入繡襦清料理輕袍寄遠征
腕弱正憐防露怯
音高還覺與風爭
輓轆軋軋停管井鼓角蕭蕭雜暮城
回首龍沙諸將在聞笳應慘故鄉情

草木天涯已盡黃一時哀響促衣涼
秋風刀尺驚寒久
戍火關河感夜長
征士夢回孤絕漠美人力盡咽繁霜
琵琶莫愴潯陽伎何處尋聲不異鄉

亭障蒼蒼欲暝煙拭砧怨似理哀絃
飢寒遲暮懷同命

思作千言詩身
卷六
二
歌舞光陰悔少年空外音愁天亦遠閨中心與石俱傳
玉階更聽聲如雨落葉寒螿總颯然

垂手翻辭十二闌恰同玉兔搗霜寒一聲客怨無家別
半夜風傳出塞難何許刀頭煩問訊有人竹肉尙爲歡
冰天鐵甲琮琤意併在終宵帛兩端

萬馬回頭仰月嘶陰山蘆管北風吹那知竟夕金閨恨
盡作長城鐵笛悲宮角蕭瑟爭變響干戈辛苦累長眉
玉壺銅箭沈沈斷宛轉驚心落杵時

銀漢微瀾界玉繩敲殘卷石聽誰憑清商處處秋無夢
白露家家夜有燈街鼓簷鈴遙不辨村春戍柝隱如鷹

蕭條曩幕愁寒苦移帳交河正打冰

謝家幽思杜陵愁羈旅聞聲盡倚樓
磧裏離人歌怨月
江南少婦手鳴秋蒼涼天地盡相答
慘澹冰霜指不柔
今日昇平征戍少無衣莫切玉門憂

錢舜舉伏生授經圖

漢家再世搜遺經濟南老叟存伏生
授書鼃錯始傳寫
至今逸事留丹青當年李斯說秦政
文武之道一炬燼
豈無六籍在故府入關版圖頗收進
蕭何刀筆不知儒
咸陽彌月火誰訊後來孔壁出蝌蚪
汲冢漆簡紛疑信
伏生博士雖故官二十八篇亦已殘
何況齊魯語多異

遂令聲牙訾誥盤今文古文各難得序疏註傳徒譏彈
我恨劉氏詔求緩不然燬佚終應完白頭九十看橫案
天要高年釋餘憾此是千秋一大師有女猶能述臯且
神明瑰偉動毫端意匠經營誠慘澹烏虜驪山朽骨啼
風雨卯金帝子俱塵土祖龍焚書授二世不及授經足
千古冬青又泣宋陵秋畫圖誰憶錢舜舉

望遠

孤城涼雨送深秋望遠徒驚歲月遒北雁關山霜更晚
西風江海水空流驚心婚嫁無高士過眼功名有故侯
想徧蕭蕭平楚外千峯黃葉故鄉樓

酬林七秀才國士梅友

宦學今年亦浪遊，幾人知我似君侯。
無書可作藏山業，有母同殷失路憂。
猿鳥故園煙雨晚，魚龍落日海天秋。
七閩莽莽西風裏，相對悲歌一酒樓。

牢落乾坤感數奇，飛騰骨相苦吟詩。
當年李廣真飛將，幾輩楊修是小兒。
霜露人間寒已甚，風雲天上夢何遲。
江南知己餘姚合，萬里滄溟共此悲。

君與桐城姚石南明府善，明府時在

臺

袞袞諸公自省臺，洛陽年少久蒿萊。
東南歌舞民方困，西北征輸歲屢災。
麴蘖尙耽名士習，文章何與濟時才。

登高共望窮秋色老雁寒雲慘地來

紅葉

高霜昨夜已生花散在山涯更水涯千里楓林成返照
一天寒色燒晴霞斑斑遠映帆如馬點點歸樓浦露鴉
搖落不須悲楚客洞庭西望黯清華

高高石磴遠山盤雲白峯蒼葉盡丹欲暮歲華猶著色
不風木末轉生寒珊瑚斑駁誰家寶錦繡依稀故苑看
惆悵阿麼金粉地花旛綵樹久飄殘

江北江南萬樹遙馬嘶落日正蕭蕭秋光有信悲千古
春色無多換六朝艇子經時波未下桃花前度影難消

一鞭看到青溪曲慘澹紅楓亞板橋

蒼然平楚帶寒城妝閣多應望眼明錦字似分林際影
宮愁怕聽水流聲孤煙映晚山如黛幾處當空雨亦晴
借問相思紅豆子凋零南國不勝情

十月十日再食鱠魚作

九月七度三山游荔支鱠魚快所求海山仙人別我去
我本骨鯁慙溫柔巖霜既降潦水絕登盤毛蟹紅如榴
何來銀鱗更若雲十月大笑春風留

福州惟三月多鱠魚

客言多

刺古有恨願汝匕箸毋輕投豈知天公憐旅食屢與一
尾供廚羞松江巨口不足憶罈羹瑤柱誰兼謀今秋禾

稼幸晚熟人多醉飽吾奚憂新寒得酒念兄弟西望江
暝竈鼉愁

燕文貴溪山雪霽圖

陳恭甫夫
子所藏

人間瑤華無處著寫向紙上痕俱消金烏欲破凍禽夢
似有晴煙一抹生單椒山家掃雪在山腹不見蹇驢行
客愁溪橋層巒鳥道嶄絕際一蓬老漁擁影如蒼鵬當
其興發使腕騁奇險尺幅上下複水重山交山氣水氣
雪氣隱莫辨筆氣所到寒不驕昔游天台向東越扁舟
歲晏遲江湖永嘉大雪五日夜竈鼉凍立蒼天高天高
如墨下壓海海風捲雁聲蕭蕭傲裘貫酒踏孤嶼醉呼

巨山排雲濤雪花爛白日爛赤千山積素疑火燒數峯
忽作眉嫵綠惡溪送我催歸橈不知蒼茫慘澹意乃於
燕君筆底重相遭六年往事付流水光景依舊留縑綃
我生少年輕萬里小視五嶽真秋毫每思陰山青海十
月後雪片鴉大橫朔臯黃塵生擊飲其血僵臥豈屑袁
安曹郎今閩南更無一寸雪師門立謝游揚勞偶談金
石及圖畫披圖卻助詩情豪墨寶摩挲八百載雖少剝
落神理超安得東絹手爲燕君操更寫大峨小峨六月
雪岷江下繞流滔滔

平遠臺

明太監
素死

海城秋色無今古，漢唐故闕俱塵土。水晶宮寒鬼夜泣，
釣龍臺寂鳥啼雨。九仙騎鯉去不還，至今但有嵯峨礪。
礪之高山巍然巨石架，榱桷平遠俯瞰千螺鬢。何人建
者明，梁著南來坐鎮開牙署。破費官家十萬錢，內臣留
得登臨處。我思勝國乾綱夷太阿，倒付刑餘持歷朝。聽
命一宦寺，前劉後魏謀傾危。可憐干戈裂天地，視師猶
恃司閹智。羅織爭傳東廠威，君王終向西山縊。此臺壯
麗高倚天，一焚再震消如煙。安能手驅萬雷斧，盡削名
姓巉巖顛。九仙山有元明太監題名數處閹人好事堪歎息，石門雁宕
遭錢刻。豈知汝使碧血滿乾坤，到處題名污山色。予舊游浙

之石門雁宕亦
有劉瑾題名

此臺又聞戚繼光平倭奏凱歸稱觴六

軍一醉海天月中草木皆軒昂英雄事往風流在不

與金粟同荒廢

金粟臺亦在九仙山

悲哉蓋頂之亭亦

有狀元亭舊在平遠臺
側明季爲義民所焚

旗鼓斜陽慘愁黛

莽寒雲天外來
桑哀要使萬世皆知北寺爲禍媒驚風吹落百蠻塵
莽

橘枝詞

紅紅物色醉清酣三月桃花九月柑望到人煙最寒處
秋風霜信滿江南

洞庭山畔水如煙萬顆低垂夕照圓愁殺吳儂好家果

思伯子堂詩集

卷六

三

都將載去太湖船

郎行淮北未能歸
妾在江南淚滿衣
寄與一雙合歡橘
到時顏色也應非

爛柯空自笑
王郎誰看彈碁到
橘鄉不見漢家舊官府
木奴箇箇闕滄桑

垂白韋家老大夫
莫勞三百寄姑蘇
東南歲歲愁征稅
橘戶多應累訟租

李忠定

塞馬南侵內禪年
誰條割地棄幽燕
七陵鬼泣中原月
二聖俘悲大漠天
戰守空勞爭社稷
讒奸不欲靖烽煙

千秋一灑陳東淚併入崖山血可憐

岳武穆

山東豪傑望揮戈一日金牌止過河南渡江山三字定
北行冰雪兩宮多黃龍痛飲何年事白雁終傷故國歌
莫怨秋風凋暮樹冬青夕照黯霜柯

韓蘄王

一諫和戎遂解簪英雄投老在湖陰未歸五國先皇骨
已死中興大將心鼙鼓竟空勞粉黛山河還累竭繪金
白頭岳墓騎驢過風雨蕭蕭石馬吟

張魏公

思伯子堂詩集

卷六

五

魏公才略早英桓大節原推世所難和敵苦持天子議
歸朝能使國人歡誰教一表疎忠定自是西師賴曲端
功過分明輿論在符離莫訛紫陽寬

搖落

搖落朔風至蕭蕭雁滿城江雲寒自動海日晚孤明國
士夷門感英雄廣武情高歌望天地醉眼一縱橫

寄家嚴山兄

正月遇嚴山就館光澤別於邑中今
得兩農舍人書知十月以母病歸家

念之耿耿十一月望
夜枕上口占卻寄

今春我別君是日多陰雲風吹馬蹄急欲語不卒聞自
予渡螺女每憶君遠處烏君落煙瀑對君作秋雨秋雨

何蕭蕭春雲何迢迢鯉魚來江潮報君歸嶺腰嶺山所居名
嶺腰梅千樹不識君行路夢去作月光照君梅花旁山
深晚似墨天寒月昏黑不照千梅花但照烏啞啞啞啞
在城頭爲君登江樓江水自東流君行西更愁嬋娟人
如玉歲晏憐我獨大雪壓江天三日眉嫵綠爲我作清
歌歌長恨轉多勸食鯉魚膾相思入腹何

寒月曲

牛女明河別淚乾素素今夕不勝寒拚將皎潔菱花鏡
來傍飄零梧子闌菱菱梧子愁何極夜長乍恐冰輪仄
謝傅堂中絲竹聲齊齊帳下珍珠色珍珠買笑亦買擗

絲竹留春復送春可憐何處關山月不照當筵歌舞人
歌聲未斷銅龍起舞袖纔映金蟾委三千釵影亞芙蓉
十二簾波擁煙水香塵來去亦無蹤鳳蠟微消獸炭紅
縱冷瓊樓一宵夢那知畫角五更風獨有江湖流落客
五年不見眉峯碧污酒猶留舊敝裘薰衣每憶新薌澤
天涯免缺有時圓海角魚書何日傳七寶摩挲修桂斧
四條感激過船絃絃淒冷作雁語滿城落葉紛如雨
一寸霜華動鬢絲月斜人散奈何許

連日大醉愆謬遂多因憶今春臨行時四兄送之
惟曰毋多飲酒蓋知予之過失多因酒也一年之

聞屢踰此戒豈惟不弟實不知焉

年少縱橫氣總麤英雄真處乃醜儒銜杯乍可師陶令
罵座何當似灌夫歲暮冰霜天地肅江湖蛟鱷客身孤
故鄉迴首思兄弟千里寒雲尺素無

林四梅友劉入西堂

建庚

令弟聞石

建韶

周入同

序

瑞圖

諸君餞予於烏石山文昌閣卽席賦別

晚照蒼然萬嶂開虎門天遠暮雲迴江山如此宜高會
主客何人不異才華燭暫爲虛閣月寒香遙話故園梅
一年聚散看樽酒莫遣城頭鼓角催

松聲

老龍歲久長鱗甲蟠鬱虬髯作怒濤一天鶴響山月大
半夜雨翻雲海高風勢風聲戰號怒松花松子曰蕭騷
仙人樹杪獨巢慣春夢方酣驚此遭

繞屋潮頭不到地開門秋氣峭當天蕭蕭欲落未落日
颯颯深山深谷煙怪石結鱗意飛動亂陰如馬嘶盤旋
野夫琴在不能撫坐憶海濤遊水仙

琴曲有
風入松

天台十萬八千仞瀑布如銀奔石梁併出老松作泉韻
倒蟠絕壁鳴山光一庵茶熟鐘未寂半雪崖喧林盡蒼
老矣秦封倫相見夏吹鐵笛岱峯旁

高文

銘西

歸里口占送之兼柬雨農舍人

折弟吾知己經寒感別離何當分手地更在異鄉時風
雪行山驛梅花照鬢絲暮年猶俠骨遠道不須悲

爲報張平子天涯有四愁昨看滄海月興在白雲樓漁

浦帆先去家山酒可籊雪梧冰竹下待與解征裘

山白雲樓有
梧竹之勝

十一月廿五日招何六杰夫

冠英

梅友西堂薇卿

聞石同序諸君集張氏蒙泉山莊賦別

朔風隨我久天涯可少名園載麴車千古江山幾杯酒
百年池館一梅花泉園茗興蕭蕭落日爲鄉心故故斜
難得高歌畫詞客堪留醉處卽爲家

暮色千峯一檻平。青天不滅白雲情。歲寒共抱冰霜意。
夜久禁聞鼓角聲。滄海月遙山磴暝。畫簾風靜燭花成。
開樽此會無多日。九曲樵嵐雪後行。

時予將就試邵武未歸里也

十二月十五夜舟發洪山橋南風甚利竟抵水口
喜而有作

碧天不放好月明。碧水不使惡浪生。高風引帆如一葉。
過蛟龍背寒不驚。青山似愁我去速。煙颺雨颺船頭迎。
千峯萬峯望滅沒。船行不覺疑山行。蕭蕭空籟起何處。
槽邊燈火燒江聲。江流漸小山漸大。天影漸黑當四更。
榜人告我水口近。詰朝穩坐籃輿輕。快哉扁舟二百里。

一夜飛渡同仙旌縱非江神憐久客定然天意豪詩情
卻思九年十三度往來此水淹留并後先疾遲悟萬事
人力何與何貪爭東方既自己泊岸酌酒且謝沙鷗盟
帶將好風過官驛梅花半樹吹斜橫

宿延平驛中見紅梅

卽雄去後今千年襦袂不見羅浮仙怪來翠羽鳴我側
玉妃倚醉臨江天天邊三夜照明月冰魂不醒酣偎煙
正如飛燕雪中立紅玉之頰寒娟娟又疑瑤光闕深殿
疎影低亞燒槽絃家山唱斷一灑淚江南從此春斑然
東皇巧與妒絕代故遣流落城西偏朱顏如許委風露

我行歸矣誰汝憐
山容窈窕雲態暮
眉黛盡到闌干前
高燒華燭暖豔夢
寶珠亦放丹頂鮮
茶亦花不無黃昏
感玉局豈有綠葉
悲樊川金樽破凍
笑不寐任人喚作
梅花顛欲將朝霞
剪萬丈大作錦帳
圍香眠問花不語
花已恨驛樓曉雨
催吟鞭

苦雨

我從螺江還七日
盛霖雨少年喜遠
遊天與嘗險阻隆
冬積凜冽朔風勁
於弩但見長雲來
白氣自吞吐點密
作倒飛勢橫更急
舞崖昏聾噪烏谷
暗晚防虎豈真湖
海意實取蛟龍侮
何爲送波濤欲與
洗塵土萬山無

人蕭騷響榛楛出煙復入煙蒸蒸如游釜僕夫衣盡漚
泥深沒踝股常恐竟顛蹶性命輕千古中夜亦起坐道
旅無安處吁嗟戒日車迅速過雷鼓毋使翻盆聲徧破
縛茅宇遲暮道路閒誰非飢寒伍幸施造劫仁生民久
愁苦

訟過

萬樹瑤華月金波盪夜闌神仙笑風露歌舞豢龍鸞我
夢抱琴去天長大海寒驚濤正浩瀚何處問琅玕